

洪恩靈濟真君集福午朝儀

壹五

洪恩靈濟真君集福午朝儀

壹五

法事如式

各禮師存念如法

請宣神呪

丹華流映 寶芝生光 精神徹幽 散靈八方

真符攝炁 嘯命朱童 三光敷煥 注我絳宮

赤神安鎮 五香溢克 洞映形外 表裏發光

身生水火 獨步飛行 和 與道合真

鳴法鼓二十四通

太上玄元五靈老君召出臣身中三五功曹左

右香官使者侍香金童傳言玉女直日香官
功曹使者三炁正神速上關啓查邊魏趙
五大元帥岳許二元帥天丁力士左右神官
臣今陞壇法事欽奉
聖旨崇修齋醮集福

壹五

邦家其諸丹悃已錄告聞願得正真生炁下
降流入臣等身中令臣所啓之言速達
九天金闕洪恩真君
九天玉闕洪恩真君 聖前

具封目 請稱法位

具位臣某與臨壇官衆等謹同誠上啓

九天金闕明道達德大仙顯靈溥濟清微洞

玄冲虛妙感慈惠護國庇民洪恩真君

九天玉闕宣化扶教上仙昭靈博濟高明弘

靜冲湛妙應仁惠輔國佑民洪恩真君

聖父齊王忠武翊亮真君

聖母仁壽淑善仙妃

聖妃涇國夫人順助仁惠真應仙妃

衛國夫人善助慈懿恭靜仙妃

聖兄唐王洪王鄂王廣陵王聖舅護國公奉

國公聖婿武安侯寧國侯聖子保大侯彰信
侯保信侯保寧侯武寧公聖姪昭德侯安定
侯太寧侯聖孫武昌侯南昌侯聖子聖孫聖
姪列位公侯唐王后明肅仙妃洪王后仁慈
仙妃鄂王后順懿仙妃廣陵王后善慶仙妃

壹五

聖女冲懿仙姬明懿仙姬聖婦善懿夫人仁
柔夫人惠順夫人昭懿夫人順恭夫人明招
夫人恭懿夫人靖懿夫人昭穆夫人慈孝夫
人聖婦列位夫人上清大洞錄天機院雷霆
省天文院地府諸司承行官將驅邪捉祟傳

符勅法消災度厄逐凶辟怪監壇護法觀察
巡捕將軍太歲尊神十二月將本命元辰星
官風雷雨部仙衆左右丞相太宰少宰六部
尚侍內府公卿左右注生注壽上宰左右司
祿司福上宰左右侍從通事舍人百官庶司
所屬曹僚列位公卿左右福祿司所屬二十
四司曹官典左右引進仙官內侍順成夫人
昭華夫人容華夫人修容夫人修儀夫人昭
儀夫人內典婦功夫人絲枲夫人筦庫夫人
帳籍夫人度支夫人女府女史列位才人女

祝女御列位貴人內殿內侍內典列位聖眷
夫人燕喜堂內注生司天乙注生神后太乙
監生神后司祿司命上相夫人守胎衛房夫
人保胎護命夫人左右慈訓夫人保傳夫人
左右掌籍夫人掌印夫人諸宮乳哺夫人抱

壹五

送夫人撫育夫人托生化婆神永安留守查
元帥武安留守邊元帥節度使左監門魏元
帥都統軍使右監門趙元帥都監軍使先鋒
才元帥五帥部下精兵猛將左右岳許二元
帥左方行宮侍御從官司祿司勲司士司書

列位曹僚司農司稼典絲掌葛列位曹僚司
市掌貨考工飭材列位曹僚厨官優官伶官
天捷神捷人捷掌卜掌籤掌杯掌鸞傳夢童
子神局節級直殿直符香官使者靈濟宮土
地合屬威靈恭望

聖慈俯垂洞鑒臣聞洞陽赤炁光芒瑩發於
靈圖飛雲丹霄垂蔭仰瞻於羽蓋玄奧深窺
於蘊妙至真儼覩於光臨希陽景以融春彤
墀霧暖遵朝儀而接晝紫極風清感通造化
之機流演仙真之教瑞彩交飛於日表琅音

響徹於雲層拳拳演教之誠耿耿對揚之志
顧瞻如在降鑒非遙具有丹誠已伸敷告按
如詞旨備切精虔惟感恩答貺以兼顯致祝
國延禧而并切班催鷺序迢迢晝漏之聞香
暖螭頭穆穆光風之轉顧聖真之鑒享極幽
顯以交孚以今午朝陞壇行道請法衆等運
茲初捻上香和香至靈濟宮徧九天金闕成
華蓋供養

九天金闕洪恩真君

願此香煙供養

九天金闕洪恩真君靈濟宮真仙聖衆臣等
皈依

洪恩靈濟宮真仙聖衆願以是捻香功德洪

惟

九天金闕洪恩真君

壹五

九天王闕洪恩真君五嶽儲靈九天品位文

四

章錦繡燦然星斗之垂芒雨露恩光妙矣樞

機之幹運翊扶

皇極澤潤群生今故燒香自皈依

真君大聖衆至真之德得道之後保天長存

和與道合真

晝刻傳呼天顏有喜揆宿心而寅事因朝謁
以申祈以今午朝陞壇行道請法衆等運茲
二捻上香和香至靈濟宮遍九天王闕成寶
蓋供養

九天王闕洪恩真君

願此香煙供養

九天王闕洪恩真君靈濟宮真仙聖衆臣等
皈依

洪恩靈濟宮真仙聖衆願以是捻香功德上

祝

皇帝陛下恭願

尊居大寶永庇寰區地久天長躋萬年之

聖壽海涵春育谷兆姓之歡心邊陲無兵革

之塵田野遂耕桑之業賢良光輔海宇清寧

壹五

隆至治之嘉徵綿太平之景運今故燒香自

皈依

真君大聖眾至真之德得道之後保天長存

和與道合真

萬聖同明一光溥及惠日弘開於丹景慈光

仰觀於靈宮以今午朝陞壇行道請法衆等
運慈三捻上香和香至靈濟宮福九天宮闕
成雲蓋供養靈濟宮真仙聖衆

願此香煙供養

九天金闕洪恩具君

九天玉闕洪恩具君靈濟宮真仙聖衆臣等
皈依

洪恩靈濟宮真仙聖衆願以是捻香功德歸
流

儲宮藩屏宰輔臣僚天下人民寰中庶類伏

願茂隆三善協輔萬機緝熙光明德業日新
於聖學體信達順修治上契於天心百福駢
蕃千祥咸集未兆之憂虞永息方來之喜慶
駢臻克躋仁壽之祺茂協和平之福今故燒
香自皈依

真君大聖衆至真之德得道之後永保長生
和輿道合真

唱方

懺方

三啓

三禮

重稱法位

具位臣某與臨壇官眾等謹重誠上啓

聖位臣聞大鈞播物溥生意以周流至誠感

神冀誠心之仰格當義御正中之際肅篤行

壹五

六

事上之朝象存元色之光十方交映響應八

鸞之唱萬範開張臣等欽奉

旨命以既酬奉齋科而敬事蘋藻有嚴於禮

意顧享非遙香花煥肅於壇儀對揚惟謹光

瞻王陛班列瑤階縱萬劫之無明業緣未洗

昧三乘之諦義道念徒勤首希寬貸之仁庶
竭懇祈之至上願
皇圖廣大

寶祚尊安萬年之

宗社靈長四海之
卓書永久

儲宮隆溫文之德光輔萬機宗藩同夾輔之
勤延祥百世更與五行順序六氣迎和人同
齊愛之慈物遂生成之性教科光顯道化興
行一切含靈同圓種智則上明

真君大慈之化下副臣等皈命之誠謹啓以

聞

十二願

存神燒香

香官使者左右龍虎君侍香諸靈官當令臣
向來午朝陞壇行道之所自然生金液丹碧

壹五

芝英百靈衆真交會在此香火爐前當願精
誠孚感福祿來崇神明永賜於匡扶家國咸
臻於清淨十方仙童玉女接待侍蘭煙傳臣向
來所啓之詞速達徑御

九天金闕洪恩真君

九天玉闕洪恩真君 聖前

來祇者 出堂頌

奏念前 出戶

洪恩靈濟真君集福午朝儀



